

INUIT ATAQATIGIIT

Inatsisartuni



12. august 2017

UKA 2017/114

Inatsisartut suleriaasianni § 33 naapertorlugu imatut isikkulimmik aalajangiiffigisassatut siunnersuuteqarpunga:

2014-mi eqqumiitsuliornermut piorsarsimassutsimullu periusissiornerup nanginnejarnissaanik Naalakkersuisut peqquneqarnissaat pillugu Inatsisartut aalajangiiffigisassaattut siunnersuut.

(Inatsisartunut ilaasortaq Debora Kleist, Inuit Ataqatigiit)

Tunngavilersuut

Eqqumiitsuliornermut silarsuaa kulturitsinnut ilaalluinnarpoq, tamannalu ukiorpassuarni nunatsinni assigiinngitsutigut ersersittuarsiavarput, naqitatigut, eqqumiitsuliornikkut, minnerunngitsumillu nipilernikkut. Eqqumiitsuliorneq nipilernorreq oqaluttuarisaanerlu qanoq imminnut qanitsigisut eqqumiitsuliortortatta takutittuartarpaat.

Taammattumik pingaartilluinnarparput Inuit Ataqatigiinniit isigaarput eqqumiitsuliornermik aallutallit periarfissaasa ineriarorinneqartuarnissaat, nukittorsartuarneqarnissaalu. Eqqaamajussavarpummi eqqumiitsuliornermut aamma inuiattut kinaassutsitsinnik ersersitsisinnaasarnera, taamaassilluni avammut kiinnernermi inuaassutsitsinnut ilisarnaataasarluni.

Eqqumiitsuliortut peqatigalutigit 2014-mi isumasioqatigiinneq nangeqqinnissaa pingaaruteqarpoq siunissamilu qanoq kultooritsinnik siuarsaasanerluta. Oqallinnermi paassisavarput suut aqqutigalugit qanorlu aaqqissusseqqinnikkut eqqumiitsuliortortavut pitsaasumik periarfissisanerlutigit. Isumasioqatigiissimanerup kingorna eqqumiitsuliortut iluarismaarnertik takutissimavaat 2014-mi. Ajoraluartumilli suliaq taanna inerniliissutaasimasullu kinguneqartinneqanngitsoorsimapput ukioq taanna qinersisoqariasarmat. Taamaattumik Naalakkersuisut kaammattorusuppagut suliaq taanna ingerlateqeqqullugu.

Eqqumiitsuliorneq anersaakkut kinaassutsikkullu nukittorsaataaginnaranimi aamma nunatta aningaasaqarneranut iluaquataalluarpoq, sulilu annerusumik sunniutilimmillu iluaquatasinnaaqaluni. Aalisakkat uumasullu piniagassat killeqarput, aammattaaq aatsitassat killeqarlutik. Eqqumiitsuliortulli nungunngisaannartumik avammut tuniniagassatsinnik peqarput allaallu nunarput ilisimaneqarlualerneratigut takornariarpasstuarnik suli annertunermik tikerneqarnissaanik periarfissarujussuarmik aqqutissiuusseqataasinnaalluarluni.

Eqqumiitsuliornermut piorsarsimassutsimullu periusissiornerup ingerlaqqinnissaanut susassaqartut tamarmik naapillugit oqalliseqatiginerini paasilertussavarpus tapiissutinik agguariaaseq qanoq ittoq pitsaanerussanersoq ullutsinni internetip annertuumik sunneeqataasimanaeranut tulluarsassagaanni. Paasilertussavarpulli qanoq ililluta eqqumiitsuliorttatta suliaat annertunerusumik avammut tunineqarsinnaalernissaannut aporfiusartut qanoq ililluta aaqqiivigisinnaalissanerivut. Paasilissavarputtaaq eqqumiitsuliornikkut suliaqarnermi, peqatigiiffegarnikkut, allaffeqarnikkut, illuuteqarnermullu qanoq ataatsimoorussinikkut aningaasarparujussuit atunngikkaluarlugit suleqatigiilersinnaanersut.

INUIT ATAQATIGIIT

Inatsisartuni



Takorlooriartigumi nunatsinni qalipagaq tusaamasaalersoq takornarissat ornillugu takorusukkaat, takorlooriartigu erinaq ataaseq filmiliarluunniit nunarsuarmi nuannarineqarnerpaat ilaattut inisseriasaartoq. Atuakkiorortattaluunniit atuakkiaa bestselleritut inisseriasaartoq. Arlaat taamatut inissippat nunatta aningaasaqarnikkut BNP-kkut malunnaatilimmik sunniuteqassagaluarpoq.

Pisortanut aningaasatigut allaffissornikkullu kingunerisassat.

2014-mili eqqumiitsuliornermut piorsarsimassutsimullu periusissiaq Naalakkersuisut aallartereersimavaat. Suliap taassuma killiffianiit aallarteqqissaqaq. Piareersaasiornermilu naatsorsuutigineqassaaq illukartillugillu 250.000 kruunit, AC Fuldmægtigep ukiup affaata iluani sulineranik nalilimmik.

Namminersorluni inuussutissarsiuteqarnermut aningaasatigut allaffissornikkullu kingunerisassat.

soqanngilaq

Innuttaasunut aningaasatigut allaffissornikkullu kingunerisassat.

soqanngilaq